

四庫全書

集部

欽定四庫全書

御製詩二集卷二十四

古今體一百五首

辛未三

潤州道中作

山染青螺水綠涵
今朝春色識江南
迂途城市觀民俗
暫捨舟行策玉駟

碧草新蕪接驛樓
金山迴望鏡中浮
詩人月旦非唐突
第一江山果潤州

到處摩肩戶口多百年休養際熙和寒衣饑食人人願
足食足衣籌若何

許渾別墅今何在猶道詩人丁邨橋便可進舟行廿里
好乘京口晚來潮

戴顓宅作招隱寺雅合斯人高尚心玉蘂唐昌自仙品
誰知津逮此中尋

長江天塹古稱雄守險何如守德崇此日往來成坦道
殷殷保泰惕予衷

練湖

練影渟泓綠水春長堤十里淨無塵中郎品藻稱淵注
此語還當出此人

射

藏棹河濱早抨弦弓手調旅登皆有度連中豈須驕

是日

發十矢
中九

問俗來南國詰戎重本朝從行諸將士慎爾勵

勤翹

過常州府城

毘陵驛口駐飛臚城郭周巡六轡紆老幼歡欣稱就日
江山風物已勾吳勗哉爾牧無胥怠弱矣斯民未盡愚
戶口實繁蓋藏少隱憂水旱豈能無

黃埠墩

兩水迴環抱一洲不通車馬只通舟到來俯視原無地
攀陟遙吟恰有樓含雨濕雲偏似重隔湖烟嶼望如浮
惠山翠色迎眉睫慢慮霑衣作勝遊

寄暢園

輕棹沿尋曲水灣秦園寄暢暫偷閒無多臺榭喬柯古
不盡烟霞飛瀑潺近族九人年六百耆英高會勝香山
松風水月垂

宸藻昔日卷阿想像間

秦氏子姓迎駕者二十餘人秦孝然年九十實然年八十七敬

然年八十五榮然年七十壽然年六十六芝田年七十
六瑞熙年六十一莘田年六十東田年六十二九人六
百餘歲又皆近族故五六及之

惠山寺

寄暢園中眺翠螺入雲撫樹濕多羅了知到處佛無住

信是名山僧占多，暗竇明亭相掩映。天花澗草自婆娑。

閣黎公案休拈舊十六春秋，一刹那。

寺僧有雍正年間在圓明園內參禪

者

惠山聽松庵用竹爐煎茶因和明人題者韻即書

王紱畫卷中

纔酌中冷第一泉，惠山聊復事烹煎。品題頓置休慚昔。

歌詠羶薌亦賴前，開士幽居如虎跑。

音跑舍人文筆擬龍

眠，裝池更喜商邱瑩。法寶僧庵慎弄全。

回回山下出名泉，火候筠鑪文武煎。
成佛漫嗤靈運後，題詩多過玉川前。
試携學士來明汲，是日命汪由敦扈遊高謝山。
僧守晏眠，我願靈源常勿幕。飲教病渴盡安全。

汲惠泉烹竹鑪歌

惠山汎泉天下聞，陸羽品後伯仲分。
冷江眼固應讓，其餘有洌誰能羣。
高僧竹鑪增韻事，隱使裴公慙後塵。
莊嚴金碧禮月相，三間茗室清而文。
梅花天竺間紅白，濛濛沐雨含奇芬。
平方木几一無有，恰見竹鑪妥帖陳。

箋編密緻擬周籬體製古朴規虞敦_叶玉乳寒潔早汲
縹明松乾烈旋傳薪武火已過文火繼蟬眼初泛魚眼
紛盧仝七椀漫習習趙州三甌休云云政和入貢勞致
遠衛公置遞嬗逞權_叶巡蹕偶然作清供聽松庵圖真
蹟存名流傳詠四百載墨華硃彩猶鮮新山僧藏弄奉
世寶視比衣鉢猶堪珍視比衣鉢猶堪珍後進君子先
野人

雨中遊錫山

清明無雨亦霑衣
細雨何妨征蓋飛
橫嶺側峯入葱蒨
玉梅翠竹沐綏澍
湯熈遠岫藏青靄
恰喜濃膏徧綠畿
霽景太湖云入望
九龍暫待翠華歸

駐蹕姑蘇

牙樯春日駐姑蘇
為問民風豈自娛
艷舞新歌翻覺鬧
老扶幼挈喜相趨
周諮歲計云秋有
旋察官方道弊無
入耳信疑還各半
可誠萬衆慶恬愉

奉

皇太后遊虎邱即景

閒登海湧峯雨洗綠鬟濃古蹟多留詠春郊盡力農雲
樓既虛敞月牖且從容最引予心慕

虞歌每每逢

誰云金寶氣化作虎丘山西踞瞻湖墅東臨鎮市闌巖
姿浮刻削澗響瀉潺湲聽法猶存石生公舊往還

梅綻三分白麥抽千畝青飲泉思陸羽卓錫擬支硎雲
菴石常潤風和草亦馨智仁山水德

樂壽頌慈寧

虎邱寺和蘇軾韻

曾聞沈恭子論詩虎邱嶺商周二千年逸事談井井平
原為磨崖尤怪龍蛇耿雙絕尋無踪累句紛鼃黽汲古
得蘇詩魚金固在磳硬語出橫盤有似魚腸猛當年圖
伯人志氣頗馳騁倏爾埋瀕池囑子徒淒哽不及槃郢
氣化石彈指頃行春喜初地不礙東風冷天水目與暢
琴書興以永歸騎循蘭蹊江城入雨景何當岩半閣坐

弄新蟾影去留隨所適奚用山僧請

遊支硎

馬首見支硎迎人罨秀色一逕入松竹峯秀不可得到
山始暢然環秀真奇特却失來時逕但見綠雲幕山川
聚靈氣變幻曷有極迴向叅世尊萬慮於以息石室及
寒泉一一供遊歷支公鶴不聞空亭祇留迹

寒山千尺雪

支硎一帶連寒山山下出泉為寒泉淙淙幽幽赴溪壑

跳珠濺玉多來源土人區分稱各別豈能一一徵名詮
蘭椒策馬尋幽勝山水與我果有緣就中宦光好事者
引泉千尺注之淵泉飛千尺雪千尺小篆三字銘雲巒
名山子孫真不絕用吳梅村詩意安在捨宅資福田槃陀坐對
清萬慮得未曾有詩亦然雪香在梅色在水其聲乃在
虛無間

聽雪閣

千尺雪之上架白屋三間冰窓俯暢砒澌之聲滿

耳跳激之勢謀目閣素無名名之曰聽雪而係以
詩

雪宜落天上云胡落澗底其源不可極千尺約畧耳三
間白板閣占盡林泉美珠玉碎復完琴筑鳴無止澗葉
冬不凋巖葩春似喜入望窈且深宜聽靜方始是合忘
名言而復不能已

華山

問山何以分高下宜在引人詩興者遙瞻濯濯青芙蓉

南嶂猶平堪跋馬登峯造極覽全吳却步烏道尋蘭若
左右泉聲上下雲間以踈梅秀而野歷險即夷小憩留
別室數字致瀟灑琅玕千个綠雲叢筍筑百道銀雪瀉
我遊名山亦已多謂當無過田盤也此間松石遜怪奇
梅竹彼應讓都雅兩山何用費校量夢寐他時總心寫
恭依

皇祖華山詩韻

觀水有其術入山不厭深境無容俗混林豈受樵侵香

遶英英朶聲喧命命禽

宸章垂琬琰胞與識

胸襟

駐蹕靈巖

塔影遙瞻碧漢中
梵王宮側舊離宮
觀民展義因時切
石棧雲林有路通
竹籟蕭蕭喧處靜
梅花漠漠白邊紅
太湖萬頃軒窓下
坐辨洞庭西與東

靈巖雜詠用沈德潛韻

館娃宮

瓊宮號館娃歌復麗舞歡娛廿三年淒涼一塚土偶
來尋舊蹟山徑步芳杜哲婦能傾城烟戒垂今古

琴臺

白銀世界中石湖言則然而我攬奇景其趣符昔年月
出山寥寂風定波潺湲琴聲靜無間雲扃寄高眠

響屧廊

夾徑多長松度松漸豁敞伊昔構曲廊夷光留屧響屧

響久不聞春烟蒙蔓莽小草設有知云見人來往

涵空閣

靈巖三百丈截嶺凌虛空高閣俯太湖鏡影澄微風吐
納閱今古變化資魚龍清夜淨萬緣鐘聲下梵宮

吳王井

山下宜出泉云何於其頂行雲時吐英古槐幾留影子
胥抱孤忠不食空垂綆徒傳艷冶蹟貽羞日月井

研池

石鼓淙天池清波澹泠泠扶欄成小憩春鮮匝甃青我
欲習揮毫古帖徒縱橫筆諫有名言豈事龍蛇驚

采香逕

采香勝采葛采葛行野露欣戚不同倫誰知繪後素倭
墮籠春芳甲煎蒸曉霧坐看笠澤邊越師來薄暮

翫花池

山花落春風貼貼依溪谷底怪吳宮人鎮日翫不足紅
顏已塵土蒼巖仍湛淥三復德潛詩吾心一以浴

遊鄧尉山觀梅坐花下興至寫王冕筆意即題二

絕句

香雪舊曾聞真逢意所欣南華篇第二小大漫區分
真者在目前肖貌轉難為愛他姿特別記取會心枝

鄧尉香雪海歌并命沈德潛和韻

鄧尉之名久詔吾鄧尉之奇今見初一四天下總在海
都梁嶼山夫豈誣天風弄欵波濤泛春日淡冶漣漪舒
目謀耳食已絕勝更惟鼻觀難為模傑池韶秀復翁句

泌漵案紆還縈紆坐令甲煎嫵艷膩遠慮慈嶺非坦途
山僧抱月眠初醒却踣道左紛相趨爾所羨者我厭久
我所慕者爾厭餘乃知西全信難得何妨一晌供清娛
北眺虎阜南太湖南船北馬用各殊此間無可無不可
滿坑滿谷酬所需林逋畢竟寒儉相但詠香暗及影疎
德潛黃山詫雲海咄咄香雪詎可孤東皇亦解助韻事
春寒勒待今臨吳春寒勒待今臨吳平山何有見金夫
平山鹽商雖種梅而今歲春寒到時始
綻數英今正值盛放之時故戲及之

宴準噶爾夷使

渠搜入貢值巡方後隊隨行許覲光麾去招來導我約
羶裘帕額適其常三巡湛露申歡豫二月東風正艷陽
深戒誇奢纏錦樹盈寧畧足示來王

春分

日日行程不計日偶然問及道春分梅教待客常禁冷
山為標靈多出雲明媚未勝遮莫惜景光隨遇每生欣
館娃遺蹟何須問梵塔鈴聲靜夜聞

夜雨

北方此際惟虞少南國今來却慮多祇論遊觀無不可
重因農務望晴和

法螺寺

前朝跋山路法螺近咫尺却為遊華山竺庵暫虛擲靈
巖今返蹕取便尋幽適北谷纔幾曲便覺仙凡隔石泉
常似咽磴道不嫌窄別室亦瀟灑松竹有佳色微辨來
時路下盟綠雲隙

千尺雪即景雜詠

引水淙潭散雪光清遊兩度樂徜徉
范家別業偏幽勝導我閒吟半刻強

屢屢門逕步雲巖小閣三間迥不凡
便與佳名顏聽雪何當坐此讀華嚴

湍激波迴萬狀聲今來練影益晶明
應緣畢獻山靈技無不相宜雨與晴

拱把竹籠曲折逕抱環山疊屈紆屏
吳人雅解增佳話

新樣初看个字亭

一室蕭然翰墨香綠雲叢裏奏笙簧烟霞供養無窮樂

何必彈冠慕姓王

別業中舊名其室曰彈冠蓋取王陽在位貢禹彈冠之意云

再遊支硎

兩日靈巖巖果靈更尋光福叩雲扃如斯佳境安能盡
不竭歡情慢久停旋命歸舟指吳會取便榮馬憩支硎
一天快霽予心暢下視方方麥坂青

吳山十六景

吳人張宗蒼畫

萬笏朝天

入山思水秀，涉水憶山青。
吳門兩魚更雙絕，致我清蹕。
為延停朝來，天平翠色在窓牖。
復得經營，慘淡傳神手。
二八冠景舊標名，兩三具法新結構。
望中峯姿巖態，無不有。豈必一一窮林藪。
巉巉萬笏朝天閭，彷彿萬方玉帛咸來王。

寒山曉鐘

姑蘇城北夜泊船，寒山鐘聲清曉傳。
春容斷續亦同此。

傳不以鐘以人耳千秋過客不一况或聽歡欣或悽愴
在懸待叩總無心此義畫師何以狀

支硎翠岫

支公石室山為屏上九肥遁君子亭枕流漱石可娛志
墨名儒行何拘形我來竭爾尋勝賞春山蔚鬱堆新青
吹竹細籟戛笙竽出竅流雲合杳冥緬懷愛馬重神駿
軒軒霞舉新發硎

千尺飛泉

千尺泉飛有聲雪下激迴噴石根裂石根裂處得溪平
淵澈澄泓清且潔匡廬何大此何小俗名小匡廬空諸所有
無諸擾南華第二已分明坐而證之益了了

法螺曲徑

支公開山名報恩二楞伽嚴堂尚存偶尋曲徑至初地
隨步回轉相循環往往詭石嵌絕壁風吹欲落驚無根
歷危即安契靜悟了不可得難名言吹大法螺建法幢
覺大千世惟世尊名山得名此探源豈謂曲肖螺紋旋

華山鳥道

山之秀者稱芙蓉不宜在陸宜在水高矗青霄俯太湖
恰當是山名所以天花天樂動逢迎石徑松泉尋迤邐
人人塵念到此捐大士端居無憂喜如在八功德池中
合十都坐青蓮蕊

天池石壁

華山中空孕靈泉天池湛綠光含天云座千葉之石蓮
服之白日成飛仙成仙有道亦賴緣太康以後迄無傳

鐵鎖欲絕吁可憐不如枕流漱石樂性全

石湖霽景

吳中多雨難逢霽霽則江山益佳麗佳麗江山到處同
惟有石湖乃稱最楞伽山半泮烟輕行春橋下春波媚
南宋詩人數范家孝宗御筆留巖翠

靈巖積翠

我登靈巖駐兩日雨晴雲月景非一目不暇給吟難工
山靈獻技景畢出畫師圖得積翠狀澗葉峰枝扶翠篠

太湖烟景蕩遙空遮斷長林似相失

海湧一峯

一峯不知何所來萬古崑崙臨蘇臺詎數層巒及疊嶂
饒看野竹魚踈梅石泉鶴澗瀉冰雪梵宮琳宇棲崔巍
晴空照影入滄海宛似湧出西蓬萊是宜仙人所託憩
而我登臨實快哉

鄧尉香雪

幾點青螺雪海裏未逢此境謂虛擬梅花宜瘦亦宜肥

今日於梅歎觀止香氣濛濛香色融融吟香忘雪辭難
為工頃在寒山千尺雪謂香在梅色在水其聲疑在虛
無中乃今悟其言非是色香聲備天為功老幹一枝臨
窓寫只恐毫端乏爐冶

遊鄧尉日即花下寫梅枝
小幅并題兩絕句紀之

光福山橋

鄧尉光福相連延白銀界裏青峯攢虎山溪亦得名虎
石橋彷彿三嘯傳水光山色淡容與雲帆月舫常留連
欲寄清吟攄逸興飛據高峯塔影邊

穹窿仙觀

陽山高抵穹窿半拔地千仞叅霄漢琳宮梵宇倚層椒
時有雲氣為光幻云昔赤松餐石脂絕粒昇仙侍香案
我乃殷憂茅簷蔀屋民惟恐一夫向隅不得加餐飯

包山奇石

震澤三萬六千頃神區奧壤無不包是山得名獨標衆
下臨無地上干霄怪異不堪僂指數奇石多出山之凹
波衝浪激成孔穴柔能克剛理則昭米顛一拳誇亭帚

作記艷說皇山樵誠令觀此難為石八十一穴真鷲鶴
洞天福地列第九丈人竊書傳童謠傳稱夫子不語怪
此語何自真虛囂

莫釐縹緲

洞庭相望分東西西則縹緲東莫釐西峯巖巖連雲水
是一是二誰然疑漁舟賈舶浮浦淑月天琳宇棲嶽寄
眼前勞逸不可齊誰欲齊者問畫師

蘇臺春景

胥臺高見三百里只今培塿惟存耳吳人言吳不忍廢
就山為亭亭亦圯春來景物紛融和頻聞漁唱及樵歌
越來溪畔溶溶月閱盡荆凡影不磨

舟發姑蘇

蘭鷁發胥江風平五兩雙霽天留曉月麥剡入篷窻行
閱溪山盡真稱文物邦具區空濶裏湧出洞庭雙

寶帶橋

匪伊垂之玉有條兩湖春水綠如澆印公豪放蘇公物

飛作吳中第一橋

田家春興

湖山豈不美最喜是田家
過雨修春耒臨溪轉水車
東阡花綠毯西陌簇黃花
攬結真娛意端勝玩物華

城市厭笙歌農謳悵聽多
三時務耕織六畜富鷄鵝
高廩村場積新篋父老酤
今年春雨足卜稔望晴和

題陳淳虎邱圖

一峯海湧多奇石往往清泉出
石隙龍宮雁塔據霞標

下瞰溪田萬頃碧我昨登臨暢遠襟拈吟曾倚蒼巖柏
道復此卷真傳神墨瀋猶分翠微色暉尾聯吟傳石川
無限深情寄今昔詎料摩挲尺幅時早非唱和當年客

姑蘇覽古雜興

泰伯開基後原為禮讓鄉誰知闔廬代乃作互爭場熊
膽心殊毒鴟夷志不忘一堞竟安在烟水浩茫茫

孫堅真有子江左獨稱雄鼎立曾劉際瓜分山海中魯
周司内外襟帶控西東風與吳人便無妨臺起銅

司徒構別墅捨作化人園想像林泉概依稀松菊存石
經開士悟屐帶謝公痕繁郢秦王索荒唐說虎蹲

足地稱良守風流白樂天鑿渠敦實政攬景富嘉篇已
覺山塘好兼教霓舞傳木蘭堂賦古翹望屬前賢

五賢祠畔過應物

韋果清真劉

禹錫

白

居易

稱同調蘇

軾

王

禹繼後塵江山真助秀烟月鎮從新即境求佳句張家

更絕倫

綺角猶存里尊鱸亦有亭故山思遯世上國重敬庭平

水常浮白奇峯不斷青誰為高士傳於此取儀型

近代工詩畫倪唐亦可稱林猶師子昔坊是解元曾寂

愛靈巖秀真宜烟客登

沈德潛卜居靈巖山下故詩及之

江河流不廢

我許是人能

題楊補之梅花三疊圖即用其韻

一疊憶我三友軒盆梅清供冬前早修枝借得吳質能
剪綵寧遜隋宮巧古香皦皦生面證新月溶溶夜珠照
情知指日到江南遞來春信先覺好无咎此枝寫其神

拂拂香風撲清曉太璞上人何許人相投自是詩禪老
隱名今乃盛傳名畢鉢巖前剃竿倒

卷中題詠皆云為太璞上人而上人

自無題
識故云

二疊憶我平山堂淮人解事虞開早鄧尉春暖愁已零
種樹供賞清而巧豈知青帝有權衡江北江南不遺照
春寒纔放數枝花花稀即有稀中好是時蜀岡微雪霽
嫩日輕風山路曉踈踈點點時或逢如在商顏尋四老
頗多惜未盛開人但取繁華堪笑倒

三疊憶我鄧尉山梅花不遲還不早友松微嫵太古朴
笑杏直厭隣飛巧三冬何足易此心一枝業已寫其照
適在鄧尉作梅一枝命粘壁間不必侈談香雪海倚石依巖無不好聞
之三弄吹蘆管惜哉聲律吾不曉此圖恰合譜絲竹至
今猶見逃禪老漸入佳境疊疊奇三友平山真壓倒

紫陽書院題句

沈德潛主紫陽書院為乞額因顏之曰白鹿遺規
并成是什

棧樸重育賢菁莪厓即俊矧茲文雅都造士方應慎書
院號紫陽義蓋由慕蘭德潛縱懸車鄉教猶能振乞我
四字額更無他語訓白鹿有芳規氣貴消鄙吝學非養
貧地貧乃士之分學復不重華華乃實之釁功或虧一
簣山弗成九仞詩雖夙所耽不足示後進努力崇實修
佐我休明運

題文徵明春雨晚烟圖即用其韻

烟重長林水漲汀善傳吳景是徵明姑蘇不到安知此

鮮使江山氣韻生

鶯脰湖詞

極目煙波天四圍
鶯湖正值早鶯飛
漁人賈客皆歡喜
帆飽還兼春水肥

網絲風信是催漕

吳人名東南風為催漕風

雨後蓑衣晒處高
棹指

垂楊輕傍岸
綠筠枝上掛銀刀

春草碧色水綠波
遙看吳岫濯青螺
此間誰是相宜者
聞道前人有志和

平望

景霽風微湖似鏡輕帆廿里暢人心樓臺遠近稱吳望
老幼扶携漸越音澤滿魚蝦船作市地多桑柘樹成陰
吾民庶矣思藏富惟有祈年志倍欽

王紱漁樂圖

是人都道漁家樂不識漁家樂何若弗躬親者已隔膜
況耳食者真畫諾九龍山水最佳處孟端卜宅棲烟壑
興來潑墨寫所見非想當然成約畧山高水深魚鳥閒

偶著漁舟傍山脚豈徒浮家逭租賦信是登仙聽韶護
叶名之漁樂亦自得山人意或別有託

入浙江境

午臨於越曉勾吳一水何曾易舳艫爾界此疆人縱別
民胞物與我寧殊敢忘求莫心常切且喜行程春與俱
萬姓尊親盈蹕路豈辭膏澤以時敷

烟雨樓用韓子祁詩韻

春雲欲泮旋濛濛百頃南湖一棹通迴望還迷隄柳綠

到來纔辨榭梅紅不殊圖畫倪黃境真是樓臺烟雨中
欲倩李牟携鐵笛月明度曲水晶宮

暖

澤國快逢晴蒸然暖氣生已嫌皮服重無恙布帆輕候
與風俱疾春和地共迎綠臯新水足所喜利初耕

舟過嘉興

徐牽錦纜過嘉禾隱隱時間欸乃歌慢陟高樓傳八詠
獨欣舊館號三過油花香入青蔥町毛芷新浮澹沲波

夾岸桑林數十里果然蠶事此邦多

賜浙閩總督喀爾吉善

巡吳於越便中過恐悞農桑候正和完賦自緣民俗美

不須重勉善催科

今年南巡免江南積逋二百餘萬而浙省向無逋欠特加恩蠲免本年正

賦三十萬兩以示獎勵

尚書梁詩正之父壽屆八旬特加恩晉封一品詩

正適以扈從南還因許給假留侍旬月詩以賜

之

錫類榮加五色封扈隨侍養許從容膝前喜勝三牲備

身畔先看一子從

其長子翰林梁啓心請告家居侍奉

盛世祥膾炙桑梓

高年人伯仲喬松教忠優老巡方志越水吳山瑞靄濃

孫琰仙山樓閣圖

樹有清風溪有瀾樓臺高迴石林端笏峯叢倚白雲表
輞水亂飛碧落寒法是山樵傳派正地惟王子得居安
箇中妙處稱生動楮葉精工有底難

嘉興道中雜詠

從來佳景稱吳越是處佳因吳越間水以澄淨謀目靜
山惟平遠致心閒

射襄橋下水長流句踐夫差兩並休只有王涇一彎月
入波影尚學吳鉤

屬鏤賜罷孤忠死覆楚將無報逆施何必胥山留宰木
潮神自合付鴟夷

在齊遁跡號陶朱吳越惟閒泛五湖古寺金明稱故里
標題雞汁又誰乎

士希賢聖聖希天日進何曾可止焉兩字齋明誨高弟

文公不離

去聲

道為詮

山水清華是此方樓臺高下賞烟光西山作記無多許
說項還稱孝友堂

嘉禾百詠景原多豈盡吳興手擘窠會景於中偏厚幸
標名已覺冠其他

舟行常是雨兼風徐賁詩情想像中却為推篷聊散悶
米家畫意悅空濛

攜李橋邊憶舊賢子京高致渺溪烟收藏流落人間世


剩有雕章內府傳

內府所藏明季牙章甚富內有墨林賞鑒印向命貯之三希堂

青紵旗亭綠渚邊紅雲畫棹盪蘭船鴛鴦湖遞西湖信
頓使軒軒意欲仙

橫塘十里盡桑麻漂絮縈絲共作家舞榭綺羅都出此
吳儂慢笑不栽花

迎鑾男婦兩堤旁鞠脰歡呼翳穉桑嫩綠遙看未抽葉
所忻不致悞蠶忙



御製詩二集卷二十四

欽定四庫全書

集部

御製詩二集卷二十五

六

詳校官尚書_臣德保

助教_臣常循覆勘

總校官原任中允_臣王燕緒

校對官助教_臣蔡鎮

謄錄監生_臣朱鎮

欽定四庫全書

御製詩二集卷二十五

古今體一百一十二首

辛未四

三月朔日車駕至杭州駐蹕之作

今春三度茁初蓂恰值餘杭翠輦停展義省方欽

祖烈承歡祝嘏奉

慈寧

三朝休養繁滋息萬里提封在戶庭覽彼就瞻心實切

慙茲懷保德非馨人文舊地風猶樸禮樂名邦教易型
明聖湖重瞻

聖藻飛來峰已送來青昌昌豔裔差無負濯濯林泉信
有靈即漸風光臨上已便當觴詠賞蘭亭

巡幸杭州恭依

皇祖詩韻

銅龍不異日詢

安掖輦吳山賞大觀烟火萬家來問俗春風三月暫遊

鑾承

顏悅志期無忝咨吏安民要在寬
秀麗湖光豈無助每成佳句亦增歡

恭依

皇祖吳山詩韻

崇巘襟江復帶湖俯臨萬井樂亨衢
百年休養三朝澤繼述予懷凜永圖

吳山大觀歌

我遊名山亦已多吳山大觀今作歌興安大嶺及長白
嵩泰臺麓田盤窩諸山未兼江海勝此間曠覽俱遮羅
南北高峰走龍脉蜿蜒入郡成嵯峨琳宮梵宇許居下
不許墻宇盤尖螺平列坎石鎮火患風從其俗無煩訶
第一峯頭縱遐矚壯哉所見真無加叶左江右湖互環
抱海氣蓊匊含義娥維水有四三已具故富魚族蛟鼉
鼉天吳陽侯時出沒列缺豐隆相盪摩吳顛越躑閱興
廢宋遷元伐紛諸訛只賸吳山青不磨吳山大觀今作

歌

出錢塘門由段橋至聖因即境近體二律

勝遊清蹕出錢塘明聖標名果異常
細雨輕風媚湖景紅桃綠柳報春光
且遲畫舫一帆正徐跋烟堤五里強
即境頗常工屬句笑今搜索總茫茫

山環水復水環山月地雲居山水間
寺側離宮臨絕勝春來駐蹕寄幾閒
玉蘭却似迎人放紫燕初看命侶還
千載擬留白蘓句其他賦詠總應刪

聖因行宮即景

離宮

當日詠卷阿春暮巡方此重過遙岫開雲飛翠嫩叢蘭
經雨送馨多平陵塔矗玲瓏影俯瞰舟迴激灩波陶冶
性靈欣始遇遠風何處遞笙歌

檀欒脩竹澗巖紆極頂軒亭俯碧湖真副其名非謬也
不孤我詠則然乎請看春物因時鬯能使神心與靜俱
承志宮中養天下千秋萬歲奉

慈娛

放鶴亭

谿亭閱古坐斯須
千載孤山信不孤
豈必鶴歸識丁令
怡因梅放緬林逋
羸將白傳還蘇守
留得青山與碧湖
葛嶺當前漫相傲
頑仙未必及潜儒

泛舟西湖

雨霽明湖泛彩舟
漪流靄靄惠風柔
評情淡且文於畫
擬色綠還清勝油

圖畫四圍天與開沿隄綠柳間紅梅湖心忽訝青蓮湧
却是北高峰影來

何處輕舟不泛湖今朝領略迴然殊漫云西子無多子
興會隨人自取夫

佳麗山光接水光都叅畫鷁鏡中央亂頭粗服猶唐突
正是唐宮開掃粧

西湖晴泛

晝晝烟絲憶昨辰一天霽景曉來新為標山色宜晴雨

畢獻湖姿作主賓風遞管絃聲細細波添羅縠皺鱗鱗
輕移畫舫長隄去白芷青蒲刺水湄

蘇隄

白沙隄上昨鳴鞭瀟灑詩情憶樂天豈意千秋留姓氏
白公不及大蘇傳

一株楊柳一株桃夾鏡雙湖綠映袍蓄眼韶光看不足
北高峰影接南高

題小有天園

佳處居然小有天
南屏北渚秀無邊
如依妙髮雲中住
便是超塵劫外仙
幾曲澗泉纔過雨
一園梅柳欲生烟
坐來拈句渾難得
不落空還不涉詮

淨慈寺

沿緣蘇氏隄霽景
斷烟低遂造白禪
所閒尋碧篆題堂
圍曲屏嶂地是古
招提翠竹籠僧戶
芳蘭引客蹊巖扉
如有約井木或無
稽相傳建寺時木取之井中此附會語也
策馬因還去

鐘聲隔嶺西

題敷文書院

松岡迴首望祇園講舍層階喜得門氣助湖山鍾遠秀
道傳孔孟有真源清遊祇欲心無逸名教何非樂所存
嘉爾青衿真濟濟嗣音實行勉相敦

題西湖十景

蘇堤春曉

通守錢塘記大蘇取之無盡適逢吾長隄萬古傳名姓
肯讓夷光擅此湖

柳浪聞鶯

那論清波及湧金

柳浪橋宋時在清波門外聚景園中康熙三十八年於湧金門南創建亭

榭聖祖仁皇帝御書賜今額名

春來樹樹綠陰深間關幾囀供清聽

還似年時步上林

圓明園四十八景中亦有是名

花港觀魚

花家山下流花港花著魚身魚嘅花最是春光萃西子
底須秋水悟南華

曲院風荷

九里松旁曲院風荷花開處照波紅莫驚筆誤傳新榜

惡旨崇情大禹同

九里松旁有宋時麴院地多荷花遂有麴院荷風之名康熙三十八年構

亭疊石為盤曲之勢
額易麴院為曲院荷風為風荷

御書扁

雙峰插雲

高不畏風雙髻垂天衣幾縷稱身披畫師若與開生面
想見淡粧濃抹時

雷峰西照

何處高峰無夕照斜陽此地獨標名錢王遺蹟猶堪指

愛是山頭塔影橫

三潭印月

湛淨空潭印滿輪分明三塔是三身
禪宗漫許添公案
萬劫優曇現聖因

平湖秋月

春水初生綠似油
新蛾瀉影鏡光柔
待予重命行秋棹
飽弄金波萬頃流

南屏晚鐘

淨慈掩暎對南屏
斷續蒲牢入夜聲
却憶姑蘇城外泊
寒山聽得正三更

斷橋殘雪

想像銀塘積素餘
湖光山色又何如
近從趙北橋邊過
一例風光入翠輿

上巳日

浮嵐暖翠暮春時
明淨波光座上披
此日此湖難適遇
或晴或雨信皆宜
山陰禊事興思近
靈隱鐘聲入聽遲

烟柳六橋無盡意
蘭橈祇惜向前移

錢塘觀潮歌

向聞錢塘潮最奇
江樓憑几今觀之
更聞秋壯春弗壯
弗壯已匪夷所思
兩山夾江龕與赭
疊東長流逼東瀾
海潮應月向西來
恰與江波風牛馬
江波畢竟讓海波
迴瀾退舍如求和
洪潮拗怒猶未已
却數百里時無何
于今信識海無敵
苞乾括坤浴淵魄
何處無潮此處雄
雄在奔騰旋盪激
莫出三葉及落三
皆最勝日期無淹

我來正值上巳節清明遙見尖山尖須臾黯黯雲容作
似是豐隆助海若天水遙連色暗昏倏見空際橫練索
旁人道是潮應來一彈指頃堆銀堆疾於風檣白於雪
寒勝冰山響勝雷砰礮礮礮礮礮礮礮礮礮礮礮礮礮
流離頓挫無不兼迴幹旁噴極滂沛地維天軸震撼掀
天吳陽侯挾飛廉蛟龍鼓勢魚鱗遯長鯨昂首噓其髯
榜人弄潮偏得意金支翠旗簫鼓沸忽出忽入安其危
但過潮頭寂無事因悟萬理在人為持志不定顛患隨

遲疑避禍反遭禍幾不見笑於舟師

竹素園

縱目湖山景游心竹素園社過春正麗

園在湖山春社西隣物與

道俱存黛重雲根古淙鳴水樂喧沈思堪致遠得句異

常言

岳武穆墓

讀史常思忠孝誠重瞻宰樹拱佳城莫須有獄何須恨

義所重人死所輕梓里秋風還憶昨

去歲巡豫過湯陰乃其故里石

門古月鎮如生夜臺猶切偏安憤想對餘杭氣未平

清漣寺

即玉泉觀魚

清漣山裏寺泉石勝其餘坐近琉璃沼言觀翡翠魚

喁花湧浪潑刺玉濺裾遊客欣初見山僧道不如

僧謂人來

觀魚者攜饘以飼嘆已不如魚也

舊曾見王畫

內府有王淵畫魚頗得其妙

可以悟

莊書無慮投竿者鱗中大隱歟

和蘓軾遊西湖三首韻

久聞西湖清且幽省方幸值無事秋桃紅柳綠紛匝岸

芷浪蒲風環繞洲黃頭發歌盪蘭楫春水船如天上浮
湖山美景詎宜戀聊為民情三日留君不見晏子陳夏
諺補不足助不給吾王不遊何以休

惜哉子瞻幽思幽祿仕恰值熙寧秋錢塘通守豈行志
偶然寄興遊汀洲蒿目新法救不得無已與世為沉浮
栢堂竹閣每題句亦知此邦不久留君不見徃來八州
牧或嶺南或冀北去年曾記吟浮休

丙寅秋巡幸五臺
經曲陽山坡石上

勒蘇軾浮休二大
字曾作詩紀之

竭覽那盡巖扃幽一時得意足千秋生香繞樹雪迷路
芳蘋貼水春滿洲風光如此不領略溪山毋乃嗤粗浮
東坡佳作恰對面吟情更令一晌留君不見馮唐對漢
帝豈無頗豈無牧坡也至今恐棄休

雲林寺

水盡山幽趣轉奇中宏恰當闢檀維明珠仙露垂乎

聖

寺內存

御筆

皇

布襪青鞵始者誰

用杜甫句意

僧足高閒

宜遠俗佛無揀擇曷居斯尋巖步屨吾原慣更覺雲深

意與遲

雲林寺方丈小憇示僧

雲居十笏暫徘徊
悅可蒼松及古梅
何事山僧門外立
招呼且向箇中来

飛來峯歌

武林山高九十丈
迴巒複壑含萬象
舊時靈隱今雲林
靈隱寺康熙年月地雲居虛且朗
天龍八部共諮議
宜間賜今名

有奇嵐作屏障
叶調御丈夫破顏笑
何須爾力勞鞅掌

惟西天竺靈鷲峰彈指飛來大方廣飛來閻浮人不識
碧眼胡僧識非誑叶恒河沙數無量佛仍坐峰頭白毫
放但看相好及手印一一不異梵銅像歷劫萬億不飛
去鎮以佛力信無爽我來徒訝未前途玉削雲鏤相偃
仰怪石斜墜挂天紳異木倒生謝土壤猿吟鶴唳演摩
訶不禪人間絲竹響竒境至此無更竒大士如如不動
想

賜浙江學政雷鉉

衡文慎辨偽兮真兩浙吳山近八閩為汝便因養老母
即斯推可教都人晷膏良苦母驕貴藜藿曾甘莫忘貧
佇見賓興皆碩彥近名宜戒致諄諄

翰林院侍講劉起振年一百三歲自粵東來浙迎
駕詩以賜之

台背聳隆肩來瞻蹕路邇成名後梁顥

向聞起振老於
場屋乾隆元年

彼已八十七歲矣因特恩賜以進士仍命選館
至十三年壽躋百歲督撫以聞故特賜今職

得壽擬

彭錢人瑞今猶古經傳後繼前越都無慮遠應是地行

仙

題冷泉亭子

不礙靜中喧
看取動時定
小坐忘萬緣
湛然滿清聽

韜光

雲林境已幽
韜光幽更極
蜿蜒盤雲逕
仰視天一隙
琅玕輪尺圍
過雨翠欲滴
蔥蒨交風枝
似掃行人迹
野禽送春聲
可見不可識
猶嫌山寂歷
間以泉淙石
攀陟造其巔
長烟一空白
稍待烟旋消
千里來几席
近湖遠者

江由江達海直足力不能窮結攬湏臾得譬如虛室光
其通乃在塞留茲片晌興酬彼萬古客

劖笋

戟嶷見龍角清供試新嘗恐損凌雲質不教多劖將

天竺寺

屈曲泉流繞石林到來竺宇暢幽尋了知說法無多子
且喜入山不厭深七佛總空身語意三生誰話去來今
未能習靜催歸轡已聽鐘流雲外音

水樂洞用蘇軾韻

君不見三郎未辨涇與渭却厭絲桐淡於水又不見興
公作賦強出頭目空一切低九州持示榮期高位置擲
地金石聲應流都官別開聞思竅創名水樂俗人笑俗
人笑博雅人喜致使東坡契清照錢塘春月駐巡轅烟
霞嶺下鳴鈞天更道東陽亦有此相去不過兩郡間偶
聞謂是招在徵即景成吟亦堪喜歸來跋馬蘓公堤至
今想像知音耳

理安寺

路盡九溪十八澗境奇三竺兩高峰香臺聽講來馴鶴
靜室安禪制毒龍法雨淙常空色相巖花放不論春冬
歸鞭却恐留清戀倩取白雲一片封

丁家山

又名蕉
石鳴琴

綠蕉白石足天然勝李羞桃鬪麗妍三日春光兩日雨
一溪明水半溪田憑高恰喜逢初霽望遠何妨泮曉烟
鳥語泉聲間喧靜絲桐不鼓亦成連

虎跑泉

溯澗尋源忽得泉
淡如君子潔如仙
餘杭第一傳佳品
便拾松枝烹雨前

象教開茲泉
眼開共傳跑
得藉牛哀感
通亦自尋常耳
記得前身曾伏來

開化寺

高嶺度南屏
澗谷遵曲折
出峽倏開豁
川雲景復別
蘭苔枕石磯
葱蒨扶岢嶕
佛宇既莊嚴
精廬亦清潔
結習

未能忘隨喜試禪悅憑軒俯江濤似演廣長舌

登六和塔作歌

我遊西湖率三日樂矣慮非凜無逸會稽南望舉精裡
宣命明當發清蹕穹塔鎮江久所聞到此不登孤良因
振衣拾級陟其頂耳飫天籟衣濕雲海眼龍宮寂寥鎖
江邊雁堵香花妥之宇長流寫向東月峰朝靄攬於左
壯觀至是真空前那更息心安四禪杜甫添憂我添喜
境移所遇理則然

雲棲

一碧萬竿翠雙流百折澄竹泉行盡處門徑得來登磬
禮悲心佛疇咨苦行僧鐘魚守本色拳拂謝多能矮屋
常妨帽明珠不斷燈蓮池家法在六字括三乘

雲棲寺小憩寫幽蘭橫卷即題一絕

本色西來意雲棲靜且安林泉徐待寫先寫數叢蘭

表忠觀

三世五王爵同堂秩有倫聖湖依故里白水識真人孫

子儀型永春秋俎豆新蘇碑餘腕力亦敵弩千鈞

渡錢塘江

斛土千錢詭就塘風恬日暖綵舟方一江吳越分疆界

三月煙花正艷陽航葦誰曾見神異射潮未免話荒唐

漲沙南徙民居奠

海潮向逼北岸海寧仁和二邑塘工頗以為患近年來北岸漲沙潮汐南

徙遂慶永賴神庥敬倍常

蕭山道中作

溪窄綠塍濶水肥烏榜輕開篷畫瓦猜掛席剪澄明南

國春方麗越天雲復晴山陰指明日已是鏡中行

錢清鎮

循吏當年齊國劉大錢留一話千秋而今若問親民者
定道一錢不敢留

題柯亭

陳留精博物椽竹得奇遭昔已思邊讓今兼傳伏滔琴
同識焦爨劍比出洪濤漢史無能續千秋恨董逃

謁大禹廟恭依

皇祖元韻

展謁來巡際

憑依對越中傳心真貫道底績莫衡功勤儉

鴻稱永儀型

聖度崇深維作民牧益凜亮天工

聞河南得雨誌喜

江鄉春雨略虞多恰喜晴明景色和聞道豫郊被甘澤
正逢農月利嘉禾雨暘時若常希遍南北難均更易過

誠使履豐寰宇慶吾將端拱愜如何

禹廟覽古

得涖稽山峻言瞻禹廟崇碑文擬衡嶽井穴達龍宮問
訊傳工部栖遲遇義公鎔于尋豈在窆柱恨難窮帆石
終隣誕梁梅久付空惟應敷土迹天地並鴻功

舟泛山陰溪路

棹入烟花浦山迎綵鷁舟桃花霞烘日重柳線曳風柔應
接真無暇清明適與謀若耶知不遠且遲命清遊

蘭亭即事

向慕山陰鏡裏行清遊得勝愜平生風華自昔稱佳地
觴詠於今紀盛名竹重春烟偏淡蕩花遲禊日尚專榮
時三月八日臨池留得龍跳法聚訟千秋不易評

蘭亭恭詠

皇祖撫帖御筆

真贋搃戈互詆攻

聖多能以不同同右軍設使瞻

仙藻定早傾心拜下風

蘭亭禱詠

竹逕延緣勝賞探流觴曲水淥波涵何妨脩禊日過五
且喜行春月正三

即景還思晉永和崇山真見綠嵯峨斯人不祇清談輩
誓墓高風有足多

絲竹雖無琴筑環逸情真可傲東山中郎若復相衡量
賸有蘭亭在世間

真蹟當年付老僧，賺來蕭翼許多能。
若方吐哺周公旦，房相掄賢未足稱。

自紹興一日渡江至聖因寺行宮

朝辭餘暨暮錢塘，片刻長江穩渡航。
未免情殷戀西子，不殊風便送滕王。
快晴乍覺烘山翠，弦月遙疑釣水光。
十畝行宮遊不足，憇閒命筆玉蘭堂。

清明

纖雲淨斂碧山橫，圓鏡中央岼柳縈。
不獨韶妍詔遊興，

所欣近遠利春畊芳萍波面偏增點嬌鳥枝頭慣會鳴
一晌閒情覘節物茲來差未負清明

杏酪

佳寔出精春仙漿泛玉溶清明傳節物南國作時供不
雜薑鹽和還嗤醴齊釀最欣湖上坐甌影北高峯

閱杭州旗兵

承平世恐軍容弛文物邦應武備明已向會稽陟禹蹟
便教浙水詰戎兵羽林舊將今誰是

皇祖駐蹕杭州閱武詩有羽林

舊將分防
重之句

七萃材官古莫衡
四十年重逢盛典行間踴

躍倍常情

陸宣公祠

策馬孤山脚
崇祠陸氏傳
去留闕治亂
事業付雲烟
房相希前躅
蘇公表舊編
德宗事苛察
胡獨昧知賢

西溪

意行跋玉驄
高陟法華頂
西尋野溪幽
東眺明湖影
竹徑既曲折
烟村亦僻靜
梅英貼流水
松濤響峻嶺
高墅

早頽廢張園復荒冷都無百年久寂寥非昔境何惟指

輦道舊跡人莫省

州志沿山十八里皆南宋輦道

三月十一日作

是日為

孝賢皇后三週忌辰茲以恭奉

皇太后南巡不得親至靜安莊酌酒雖預祭以伸哀更
臨期而餘痛北雲遙望七字因成

獨旦歌來三忌週心驚歲月信如流斷魂恰值清明節

飲恨難忘齊魯遊
豈必新琴終不及
究輸舊劍久相投
聖湖桃柳方明媚
怪底今朝祇益愁

登北高峯極頂

南北兩高峯
北勝南姑捨
適際天氣佳
峰頭一駐馬
琅霄拂仙籟
吳山皆在下
江海一杯水
向我眼前瀉
滌盡萬慮塵
何有閒愁惹
巡檐古作無
曲高和者寡

丹至韜光題壁

前日坐韜光
觀海窮境遠
今日登高峰
韜光又平坦
以

此識萬理進界無止滿徒愛境致幽輒復紆畫屨嵐翠
度重重徑險遵踈踈山鳥及山花夾道紛不斷松翻綠
雲濤竹帶碧琅粉不歷百磴艱安知十里近山僧縱慣
經和南笑而莞

雲林寺二十韻

靈隱古禪林佳稱乃自今

康熙二十八年佛原泯名象
御賜今名

天與闢幽深奇絕驚初見清閒試重尋
北高峰巖先陟

頂靜室

韜光
菴

一開襟自內尤綜要居高揔照澄懷叅

月相對面賞雲岑稍憇塵中迹聊清物表心冷侵泉漱

玉靜聽澗調琴乍啟瓊瓏竅憑吹金石吟

冷泉亭畔石竅人吹則鳴

呼猿時蹕洞招鶴早鳴陰辨茗傳初火

是日偶採茶炮焙之法

松驗五鍼洞天窮窈窕乳竇注淖淖路盡忽開豁巖攢

復鬱森線光常漏日鳥道欲捫參丹閤仙人竈草生王

母簪棲崑塹龍象鎮海協祥稷蘿薜蒙櫛蔚雲霞護律

嶽認峰垂羽翼續句美球琳誰識西來意徒嗤門外音

便當旋翠蹕無逸以為箴

天竺

天竺近雲林便途因丹至溪溯源更清竹當春益翠秀
潤挹明湖澹泊標初地冷然磬魚聲颯爾烟霞意

湖心亭

無地樓臺鏡影空仙居蓬閣許舟通四圍景物蜃窓外
三面山光雉堞東俯檻閒看魚畫水捲簾低引燕裁風
坐遊省識無邊樂奚必幽遐一一窮

鷓鴣

鷓鴣本野鳥食魚以自活一被漁師得鍛羽如受刑以
繩縛其頸驅之捕鱸鰕將謂得果腹豈知不下咽冥然
猶不悟長此安能脫鷓鴣爾特愚漁師爾特黠格物可
會心海鷗信明達

觀採茶作歌

火前嫩火後老惟有騎火品最好西湖龍井舊擅名適
來試一觀其道村男接踵下層椒傾筐雀舌還鷹爪地
爐文火續續添乾釜柔風旋旋炒慢炒細焙有次第辛

苦工夫殊不少王肅酪奴惜不知陸羽茶經太精討我
雖貢茗未求佳防微猶恐開竒巧防微猶恐開竒巧採
茶竭覽民艱曉

湖月

江月妙在流湖月妙在渟纖阿如駐御詆蕩窺澄泓軒
轅鑄明鏡萬古銅暈青於中金一點沉光奪斗星文漪
漾不去素彩寒欲生未秋景已佳坐看漢影橫

寄題琴臺

慧日峰西秀石堆傳聞海岳舊琴臺匆匆未暇躋層巘
分付雲林待再來

開化寺再作

春事日以佳春遊興無數蘓堤桃柳芳所玩近几席度
嶺尋梵宮略取幽趣適穹塔鎮吳江隔岼越山碧顧步
挹清芬騁懷寄寥寂境亦安能窮樂亦胡可極明當整
歸轡留詩勒蒼壁

重訪雲棲即景禱詠

山寺雖多此寺幽特教清蹕重來遊洗心亭別仙凡界
萬騎紛聞合着留

綠玉參天逕幾迴石門烟月鎖莓苔蓮池塔院自千古
奚事花幢坐墨胎

修篁深處小延俄又覺簷陰幾許過山鳥啁林還太古
野花繪壁自春和

淨土香光慧業薰弃藏法寶玩顏筋

是日觀寺中所藏
董其昌書金剛經

真蹟蘭亭昨過相衡較真蹟何如王右軍

戲題錢氏鐵券三首

長腰十斛換漁人，什襲傳貽永世珍。
歷數從來曾賜券，問誰終獲保其身。

伊呂功勲豈不巍，未聞賜券貸其非。
設逢烏喙終何益，少伯真能早識幾。

納土歸誠本在茲，子孫世守亦其宜。
獨憐片鐵唐時物，秘寶其將安用之。

即事

水態山光結攬中，便途城郭一觀風。
笙歌正鬧武林社，時清明次日俗為武林社之遊梅石空傳德壽宮。
柳色含烟蘸波綠，桃花過雨艷春紅。
吾民樂處吾同樂，尚慮餘三有未充。

題德壽宮梅石碑

臨安半壁苟支撐，遺迹披尋感慨生。
梅石尚能傳德壽，

苕華又見說藍瑛。

宋時苕梅久萎藍瑛畫梅錫於石

一拳雨後猶餘潤，

老幹春來不再榮。
五國風沙埋二帝，議和嬉樂獨何情。

西湖嬉春詞六首

西湖景好好在春西湖春日多遊人水態山光靜入畫
歌樓酒舫樂同民

三面山光水一湖烟中東指宋時都而今設問林和靖
定道孤山會不孤

三日輕陰三日晴遊觀在在稱人情鳴春山鳥真韶護
熱鬧翻嫌鼓吹聲

鷗鷺船載泛烟濤恰喜春波漲一篙漁父不勞施網罟
提籃入肆貨銀刀

桃花紅罩菜花黃
遇閨蠶時未屆忙
誰道吳中歌舞地
於今都識重農桑

富麗臨安迹已陳
六橋烟柳又從新
只今惟有平湖月
閱盡千秋遊賞人

西湖行宮八景

四照亭

臨孤山對葛嶺山
光塔影倒漾明湖
舊有額曰雲峰
四照因以名亭

孤山最高處更據聖湖中峰色迴環翠花光澹蕩紅隄
虹遙飲練波縠淨披風方喜竒全攬翻牽興莫窮

竹涼處

叢篁深翳蔓玉攬金塵氛為之盡滌

目遙方過雨意入更逢涼聲是蔓寒玉境還生靜香萬
竿籠日照一線漏天光却羨山僧逸坐消九夏長

綠雲逕

由竹涼處曲逕西行喬柯竒石目不給賞雲氣時

起步屨間

逕紆探絕勝森秀入蒼雲苔迹時留印樵斤未許聞濛濛濕鶴毳濯濯潤螺紋謝傳東山好微嫌絲竹紛

瞰碧樓

樓俯全湖晴波綺縠搖蕩几牖有一碧萬頃之槩
覽景不嫌高山樓瞰碧濤雨晴皆合賞俯仰更無勞洗
滌塵氛氣差排歌舞曹悠然會心所摘句亦因豪

貯月泉

水月清光互相映發平湖既以標勝山半一泓亦
先得月豈以大小殊觀

乳竇貯天池嫦娥小浴之一泓清且淺滿魄靜相宜未
許魚龍混還欣松桂披廣寒合雲表消得夜眠遲

鷺香庭

老桂森遶宛然臯塗精舍爰取鷺嶺天香句意頗
之

山水清暉蘊挺生仙木芳徒觀葉蔚綠因憶粟堆黃雅

契惟期月剪榮却待涼何當秋宇下滿意領天香

領要閣

湖山幽邃不可勝窮略觀大意此領其要

嵐靄朝晡別湖山趣不窮一時期領要千古有高風借
問雙峰側何殊六法中惟觀其大略靖節許相同

玉蘭館

春巡至止值辛夷盛放即景紀勝未知與輞川舊

館何若

對峙白琳樹迎階為我開判春標雅致名館稱清裁一
晌教神往他時待客來舉王非慕藺自分謝吟才

韓幹人馬圖歌

魏武子孫善畫馬常與照夜開生面當時弟子亦多人
入其室者惟韓幹石渠寶笈富唐蹟惜哉霸作曾無見
照夜粉本想付韓我向題詞嚴月旦今來復得人馬圖
藝林法寶驚黃絹繭雲夾鏡骨權奇鳳聳龍顛神萃祭
驊駟氣揚技日進畫肉直可翻公案奚官絃韉繫結束

指揮如意亦豪彥北人使馬南人船各有其長矜獨擅
昨者錢塘試弄潮此言信哉兩奇觀

留別西湖之作

明當清蹕啟歸程誠恐江鄉誤力畊設謂西湖姑舍是
此言却不近人情

御製詩二集卷二十五